



§ 37 naapertorlugu apeqqummut akissut 007/2025

Asasara Jens NapátôK',

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngortinneqarsimasut qujassutigaaakka. Apeqqutit issuarneqartarput tamatumalu kingorna akineqarlutik.

05-05-2025
Suliap normua 2025 - 9333
All. nr. 25324501

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naaq.gl
www.naalakkersuisut.gl

1. Ilumoorpa 70-inik ukioqalereersimasut kræfteqarsimasut misissorneqaqqittarnissaat (control) pisortaniit akiliunneqassaartartut ukiui apeqqutaallutik?

Akissut: Nappaassuarmut misissoqqinneqarnissamut neqerooruteqartarneq immikkut ittumik ukiulersugaanngilaq. Nappaassuup suussusaa napparsimasullu katsorsarneqarnerata nalaani nappaat qanoq siaruartigisimanersoq apeqqutaalluni misissorneqaqqinnissaq qanoq pisariaqartiginersoq apeqqutaasarpoq. Misissorneqartarnissamut inunnut ataasiakkaanut pilersarusiorneqartarpoq.

Matumani apeqquteqartoqarnerani suliassaqaarfimmi tassani najoqqutassianut tunngatillugu iviangikkut nappaassuarmik eqqugaasut misissorneqaqqittarnissaanut najoqqutassiaq tamatigut malinneqartarsimanngitsoq Peqqinnissaqaarfimmi qullersanit maluginiarneqarpoq. Dronning Ingridip peqqissaaviani passussinissamut najoqqutassiaq "Iviangikkut nappaateqarlutik pilatsissimasunut katsorsaaneq" malillugu, iviangikkut siaruuaattumik nappaateqartut peqqinnissaqaarfimmi akulikitsumik misissoqqinneqartassapput. Passunneqareernermi napparsimasup peqqissinissaa nappaassuarmillu eqqugaqqinnermi paasineqapallannissaa tamanna siunertaqarpoq. Nappaassuarmilli napparsimasup ersiuteqarnerluni maluginiassallugu taamaattoqassappallu peqqinnissaqaarfimmut saaffiginnissuteqarnissani nammineerluni akisussaaffigaa.

Iviangikkut nappaateqarnermut tunngatillugu najoqqutassiani allaqqasoq malillugu, ukiut qulit ingerlanerini napparsimasunik mammografi atorlugu misissuisoqartassasoq. Najoqqutassiani ukiunut tunngatillugu killilersuisoqarneranik allaqqasoqanngilaq.

Najoqqutassiani allaqqasut maleqqissaarneqanngikkaluarlutik katsorsartittut misissoqqinneqaqqinninnissaanut ilaatigut tunngavissaqartartoq Peqqinnissaqaarfimmi qullersanit erseqqissaassutigineqarpoq. Napparsimasup inuuneranut

navianartorsiortitsisumik nappaateqalersimanera imaluunniit misissorneqarnissamut ukiumigut tunngaveqartumik sanngiillisoqarsimanera ilaatigut tunngaviusarpoq.

2. Allanik taamatut killilersuutaasunik piumasaqaatinik assingusunik arlaannilluunniit piumasaqatitaqartoqarpa?

Akissut: Ukiunut immikkut ittumik killissarititaasunut eqqaaneqartunut tunngatillugu, qaqugukkut nappaassuarmut misissueqqittoqartarnera imaluunniit nappaatinut allanut tunngatillugu unittoqartarneranut nassuiaatigineqareersup saniatigut allamik soqanngitsoq Peqqinnissaqarfimmi qullersanit ilisimatitsissutigineqarpoq.

3. Naalakkersuisut taamatut killilersuisalersimaneq akuerineqarsinnaanngilluinnartoq pitsanngorsaaffiginissaanut qanoq iliuseqalersaarpap?

Akissut: Peqqinnissaqarfimmi ukiutigut immikkoortitsisoqannginnissaa qulakkeerneqassasoq Peqqinnissaqarfimmi qullersanit ilisimatitsissutigineqarpoq. Immikkoortitaqarfimmi aqutsisunit maluginiarneqassasoq, najoqqutassianilu imaluunniit suliaasaqarfimmi ukiutigut immikkoortitsisoqassanngitsoq qulakkeerneqassaaq. Inatsit ukiut pillugit aalajangersakkanik imaqaanngilaq. Innuttaasoq peqqinnissaqarfimmi katsorsarneqarneq pillugu naammagittaalliuteqarnissamik kissaateqaruni, pineqartoq naammagittaalliuteqarnissamut taarsiiffigineqarnissamullu inatsit nutaaq, februaarimi 2025-mi Inatsisartunit akuerineqartoq atorlugu naammagittaalliuteqarsinnaatitaavoq.

Med venlig hilsen
Inussiarnersumik Inuulluaqqusillunga



Anna Wangenheim
Peqqissutsimut inunnnullu Innarluutilinnut Naalakkersuisoq